





Opuscula

Opuscula

ORTUS (27)
PERENNIS GLORIÆ,

In Occasu Vitæ,

Clarissimi olim & Excellentissimi Domini,

D. M. GREGORII
GEORGI
KOSTOWSKI,

Philosophiæ Doctoris, Astronomiæ & Geometriæ
Ordinarij Professoris, Collegæ Majoris Vocati, S. R.

MAJESTATIS Privilegiati Mathematici & Secretarij.

Dum Grodnæ ad Generalia Regni Comitia,

Ab Alma Universitate Crac: legatione fungeretur,

Dolendô fatô erepti.

Exequiarum die,

A Mæstis Ordinibus Academicis,

In Ecclesia Collegiata Divæ ANNÆ Crac:

Pijs Manibus ejus persolutarum

OBSERVATVS;

& per

M. MATTHÆUM JOSEPHUM KOLENDOWIC,

Philosophiæ Doctorem & Professore, Collegam

Minorem, Contubernij Sisiniani Seniore.

Lugubri penna

DELINEATVS.

Anno quo

Orta MoDô CeLsô LeX, fataqVe flnllt Orbl.

Die 16. Mensis Januarij.

CRACOVIAE, TYPIS ACADEMICIS.

ORTUS
PERENNIS GLORIÆ,
In Occasu Vitæ,

AD Astrolabium Geni!
Pro Calamo fume Tubum Opticum,
Ortus Tibi & Occasus notandus venit.

Cæli faciem ut melius consideres,
Oculos & frontem in res mitte sublunares.
Utiq; has Ptolomæi, Platonis, & alij siderū splendore illustres Viri,
in Cælestia transtulere Signa.
Res in Orbe motui & vicissitudini subjectæ,
Tuæ considerationis Objectum sunt,
Et ne farrago obscuritatem invehat,
Vnum cæteris præstantius, speculari præstat,
in quo motus & Phænomena elucescunt.

Quæris illud?

Homo Viator est;

Qui sicut Microcosmos dicitur, ita sine suo Sole
subsistere nequit.

Hinc sequitur

Intellectum ejus, SOLEM dici debere;
ut Ortum & Occasum rectè inferas.

Splendore SOL: intellectus lumine rationis elucidatur.

Ille Universi Oculus est,

hic parvi Mundi delicata pupilla

& nobilior pars.

Et cum multam inter se dicant Analogiam,
hoc tantum inæqualitatis habere videntur,

quod

*Soles occidere & redire solent; nobis cum semel occiderit brevis lux,
nox est una perpetuo dormienda.*

Communis naturæ id speciale sancitum est
Occasum spectare, quidquid ortum vidit.

Cum

Cum hoc nisi discrimine.
Quorum vita, non virtutis luce, sed vitiorū lue, illustris erat,
his in occasu Ortum inglorium esse.

Callidi Sinones, & impij Herostrati,
ex flāmis Trojæ, ac Ephesini Templi, ortum gloriæ præstolātes,
incendiō extingvuntur.

Viri Sapientes & Virtuosi
inter sepulchrales umbras, Nominis claritatem nacti,
rident mortalem hesperuginem,
quibus illustrior arridet Phæbus.

Phænices veri,
in Occāsu suo, ex cineribus in ortum gloriæ evolantes.
Solis ectypum gerunt, qui in occasu major conspicitur,
& uni disparet Hemisphærio, in alterum oriturus gloriosè.

Ortum ejusmodi refert in occasu suo
Clarissimus olim & Excellentissimus Dominus,
D. M. GREGORIUS GEORGIUS
KOSTOWSKI,

Phil: Doctor, Astronomiæ & Geometriæ
Professor, &c.

Maturā & celsa indole, Musas salutavit Cracias,
priusq; sub remotiori Sole, bene suum excoxit ingenium,
ut Cracio Phæbo melius responderet.

Cum nihil mediocre, nihil humile in se teneret,
prætextatus videri, & Juveniles Annos præferre nolebat,
ut in primo statim sui ortu, summus & gloriosus esset.

Ingenium ejus omnium disciplinarum capacissimum,
& vis Animi exercitatissima

omnibus sufficiebat libris:
quibus versandis continuò adhæserat
ceu Prometheus Caucasæ rupi,

Felix Theopompus.

Festa Vacunæ, virtuti infesta directe arguebat.
Cumq; sæpius in Iagelloneo Peripatho, omnigenam virtutem
& solidam eruditionem pro præmissis poneret

illationem Laurearum Capiti suo meruit.

Hic jam coronatæ frontis Apex
nil non excelsum, nil non sublime tentat.

Divinæ Mathesi solidè incumbens

Mente domos Superùm pererrat.

Planetarū stationes, stellarum distantias, parallaxes & motus,
pertinaci indagatione lustrat, & effect⁹ insigni profectu illustrat.

Diurnam speculationem insomni nocte continuat,
ut simul, & Solis & aliorum Planetarum aspectus examinet.

Iungit noctes diebus Cleanthea luce
ut conjunctiones & oppositiones Astrorum optimè noscat,
vel ut ortum perennis gloriæ nanciscatur.

Totus impallescit Libris
ex toto naturam & virtutem Cælestium luminum indagando.

Construit accuratissime Opus,

non mole sed labore ingens;

quod non dum in lucem prodit

& jam æstimationem meretur.

Circinno Corpora Cælestia ambiens,

ultra Sphæram Mathematicæ professionis

Ad Classes Novodvorskianas progreditur.

Quæ Triumphale tunc Celeusma occinere visæ
ejusmodi naclæ Argonautam.

Cum quo felicius Classistica Iuventus

quàm cum Iasone Thessala pubes navigabat.

Siderum quippe observator & morum,

Nobilissimæ Juventuti,

& digna eruditione præfuit

& prudenti moderamine præfuit.

Humanioribus deditus,

Divinam non intermisit Mathesim.

In Grammatica Conjugationes,

In Pœsi Pegasus,

In Rhetorica Figuras,

In Dialectica Circulos

docuit, pinxit, ostendit, formavit;

tam clarè & ingeniosè, quam cultè & subtiliter.

Post

Post quinquenne Classiticum navigium,
cum in Philosophicum influxisset æquor,
Euclidis Elementa ita liquidissime explicuit,
ut animi ejus perspicacitas, & mentis ebur spectaretur.

Quamcunq; orsus ducere figuram,
in ea Ortum gloriæ suæ circumtulit.
Eminebat in Linea subtile ingenium, & rectitudo vitæ;
In Circulis, eloquij rotunditas & perpetuus honor:
in Triangulis, omnimoda perfectio Viri,
in quadrangulis, constans animus, & mens immota labore.
Isosceles, Scaleno; Rhombum Parallelogramo conferendo,
diversa videbis, si lineam spectes;

si mentem Authoris
quamlibet, rectangulam vel æquilateram appellabis;
utpote qui a recto deflectere ignoravit,
Virtutem cum Sapientia ex æquo complexus.
Gravis gestu, incessu, & actione cum fuerit:
in hoc levitatem præferre visus,
quod in formandis Mathematicis characteribus,
in scribendis amplis voluminibus
suâ semper usus pennâ
vicariâ nunquam.

Quanti sit momenti illius annua Ephemeris!
in ordine cujus plurima manuscriptorû congesta volumina:
Quæ cum multis distinxit figuris & lineis
Veræ scientiæ ideam, vivum diligentiæ & peritiæ reliquit exëplar.

Quocunq; Ortum sui circumtulit,
Oculos intuentium in admirationem & venerationem flexit.

A singulis Divinus Plato credebatur,
qui cum Dijs vel de Dijs loqueretur.

Aeræ Constitutionis Cæliq; sitûs
exactissimus Observator,
momentis tēpora examinavit, ut certò futuros evētus dignosceret;
quodcunq; Cælis servatum secretum vidit,
verus interpretes Deorum mortalibus retulit,
tam certò & infallibiliter

ut spectante curiositate probante experientia
quidquid in prognosi scripserit,

Oraculum esset.

Tantæ ingenij solertis felicitati
pari voto respondet fortuna,
priscis non invidenda seculis;
quod Regibus & Astrorum & Astronomorum amor inesset.

Vidit Orbis

quanto honore

SERENISSIMUS & INVICTISSIMUS

AUGUSTUS II.

Poloniarum REX &c. &c.

dignatus est KOSTOVIVM.

Phæbus hic Lechicus

Regalis splendorem Solij augeri censuit,
à tanti Viri eruditione.

Hunc adstare Throno suo solenne duxit,
quem omnigenæ scientiæ circumstabat fulgor,
comitate morum & præstantiâ comitante.

Adhæsit Cordi Principis,

qui ubiq; stare gloriosus didicerat.

Et quem Rex arcana Deorum apprimè nosse scivit,

Suæ Majestatis Secretarium fecit,

Imò plus ultra in sua liberalitate progressus;

Principi Mathematico

Regium conferendo Privilegium.

Hic verum Archimedem KOSTOVIVM videas?

Ex radianti virtute, & pellucida rerum experientia

CrySTALLINAM in Regio Palatio Sphæram fabricavit,

Ubi SOLEM, & Joves ipsos videri fecit.

Hinc sensit abunde beneficos aspectus SOLIS AVGVSTI,

Exper.

Expertus gratiosos influxus Principum,
agnovit virtutem activam Magnatum,
adeo; ut hæc primæ magnitudinis in Polo Lechico Astra
ad sui gloriam obsequij inclinarent KOSTOVIVM.
Quare de feliciori SZEMBECIORUM Amalthea
Cornucopias Gratiarum & respectuum
legere cepit favorabiliter.

Quem

CELSISSIMUS PRINCEPS,
Illustrissimus & Reverendissimus Dominus,
D. STANISLAVS

à Słupow

SZEMBEK,
Archiepiscopus Gnesi Legatus Natus
Regni Poloniae, & M. D. Lithvaniae

Primas, Primusq; Princeps,
Rerum in Orbe Lechico Stator,
Sapientiae Oraculum, & Sacer Entheus,
eruditorum Lidius Lapis,
ab auge Celsitudinis suæ, singulari respe-

ctu insignivit,

summa æstimatione decoravit.

Principum Phœnix

Flos Præsulum & Virtutum liliatus,
Aureum Sapientiae Caput,
& Literarum Amor.

CELSISSIMUS PRINCEPS,
Illustrissimus & Reverendissimus Dominus,

B2

D. CA-

D. CASIMIRVS

à LUBNA

LVBIEWSKI,

Episcopus Cracoviensis,

DUX SEVERIÆ.

Frontis eburneæ favore serenavit,
in candido vernantis Gratiaë sinu fovit,
& tanquam venustiore Gemmam
appretiavit.

Consiliorum Tripas, & Legum amissis
firmissimum Divæ Themidos propugnaculum,
& Sapientiæ Lycæum.

Illustrissimus & Reverendissimus Dominus,

D. CONSTANTINUS

SZANIAWSKI,

Episcopus Vladislaviensis & Pomeraniæ

Amplissimis favoribus auxit,

stabilivit, & Gratijs firmavit.

Supremæ Regni Sphæræ nitidissimum jubar,
Ingeniorum Ocellus, Orbis Lechici Lumen & columnæ

Illustrissimus & Excellentissimus Dominus,

D. JOANNES

à Słupow

SZEMBEEK,

Supremus Regni Cancellarius, Ca-

pitaneus Graudentinensis, &c.

ingenij excellentiam, & mentis elevatæ specimen

linceâ prospexit pupillâ, & roseo Ore

non tres tantum, sed omnes Charites consignavit

in KOSTOVIO.

Ita

Ita sanè Regius Mathematicus,
Principibus Genijs & Motricibus Orbis Lechici Intelligentijs
admoventi debuit.

Illustrissimus & Excellentissimus Dominus,
D. JOSEPHVS
de Magna Konczyce
MINISZECH,
Supremus Regni Mareschalcus, &c. &c.
Scipio Sarmaticus & Confus.
Sublimis ingenij purpurea radians luce,
in felicitatis auroram.

Illustrissimus, & Excellentissimus Dominus,
D. JOSEPHVS
in Olexinie & Korzec DUX
CZARTORYSKI,
Magni Ducatus Lithvaniæ Vexillifer,
Regum Sanguis, honoris apex, & Lithaviæ gloria Gentis,
in honoris meridiem,
cessere KOSTOVIO.

Sub quorum Auspicijs & patrocinio
Annorū exordia in suis Ephemeridib⁹ Orbi gloriōse divulgavit.
Nil sane obscurum annua revolutio prælagiebat,
tantorum Nominum luce circumfusa.
Nil terrificum & Gentibus minax,
tantarum Familiarum benefico respectu insignita.
Numeroso concursu, alia Magna Orbis Lechei sidera,
geminant gratiosos influxus in Virum
quorum syllabum recensere, stellas numerare est.
In tam præclari occasu Viri, lippiētes imò liquecētes in lachrymas
dum hæreant Oculi;
Ad Dioptram se confert Genius.

Magnitudinem nominis ut sibi rectè metiri liceat,
in Camporum latifundia
& montium colles progredi libet.
Nobilissimus hic Geometra,
Quoties vocatus in agros, magis strepitu Juris, & animorū fluctibus,
quàm fluctuante aristā commotos,
Partes adversæ in rectitudinem sensûs convenire,
& tanti judicio Arbitri acquiescere visæ.

Uno equidem actu
& limites posuit, & lites composuit.
Quisq; superjectus Camporum finibus tumulus,
eminentiam Viri & ortum gloriæ;
quisq; sulcos Agrorum terminans cespes,
integerrimæ vitæ signat Virum.

A puncto quippe Justitiæ,
perpendiculariter rectam duxerat lineam
ut totum ambitum æqualiter secaret,
& utramque partem totaliter contentam redderet.

Legent Posterì
quem luget Universitas Virum!

Si lugens dicenda,
quæ Ortum gloriæ Viri in occasu legit.
Occurrit sibi præsentissimus,
In Imagine rectefactorum lineis, æternitati depicta.
Occurrit eâ frontis Majestate,
hac verborum pompâ,
quâ Legationes publicas, ad Generalia Regni Comitia obeundo;
in præsentia SERENISSIMI REGNANTIS,
in facie purpurati Senatûs
gloriosè pro Iurium Universitatis integritate,
& Privilegiorum conservatione steterat,
ipse integerrimus vitæ
& omni honoris privilegiò dignissimus.

quâ terrestria Numina,
venerandosq; Patriæ Patres
Majestuosæ & verendo Ore allocutus,
Vota ALMÆ MATRIS & desideria explicuit,
tantò efficacius, quantò solennius.

Cujus grandævam in Toga gerens Personam,
Orbe toto Spectatore & Judice
justa ferre & referre cernebatur,

Cælorum Nuntius.

Viderat Fatum tantam in Viro aëtivitatem & inviderat:

Debilitate, qua ipsi quoq; Planetæ laborare dicuntur,
oppressum, lecto allisit Astronomum,
ut terris ereptum Astris inferat.

Grodnae igitur doloribûs circumventus;
Occasum vitæ suæ prælagiens,

cùm Sacratissima Synaxi reficiendus esset,

Togâ se Academicâ indui,

& sic indutum tumulari petit,

Vt se Libitina non aliter, nisi in fûctione Academica deprehederet.

Ah meminisse dolor!

Occidit insigne Orbis Academici fidus!

ut verius Cælestia specularetur Astra,
oculorum lumina clausit;

ut perpetuum gloriæ haberet Ortum,

in Accrescenti Lunæ Nonis Decembris,

ad sepulchrales umbras & fatalem declinasse
visus in occasum.

Cedit libens Carmelus in se tumulum KOSTOVIO;

ex tantis Cineribus altius surrecturus.

Et bene:

Stelliger hic cum fuerit,

Vt post fata quoq; speculationi Cælesti vacare possit Astronomo

ad sua illum humanissime invitat Astra.

Et nè calens ad gloriosa quæq; ingenium, sub gelido marmore
extingvi dicatur,

Ca

Arden

Ardentes Elianos ignēs illi accomodat.
Quare in Basilica Religiosissimorum
PP. Carmelitarum Discalceatorum Grodn.
tumulatur;

Orbe toto cordis Epitaphiō dignus.
Et qui totus in sinu ALMÆ MATRIS,
totus in cordibus Patrum recumbit,
post fata sui, Cineres Lithvanis in oris Grodnæ reponit,
ut non uni Regno

Ortum suæ gloriæ deberet.
Tam lugubrem Occasus Viri Clarissimi Scenam,
dum publica, canens in Orbis theatro, aperit Fama;
cunctos Ordines Academicos
inopinatō conturbat fatō;
quod sibi Philosophus Subtilissimus,
Astronomus Solertissimus,
Geometra Nobilissimus,
Hypocrates Commendatissimus,
Cosmographiæ, Chiromantiæ &c. peritissimus,
defecerit KOSTOVIVS.

Vestra tamen vel maximè lancinat corda dolor,
primarum in Orbe Literario Sphærarum motrices Intelligentiæ

Magnifice Perillustri & Admodum Reverende Domine

D. M. A D A L B E R T E

J O D Ł O W S K I,

J. U. Doctor & Professor, Ecclesiæ Col-
legiatae SS. OO. Crac: Custos, Almæ
Universitatis Cracov: Generalis

R E C T O R.



&S
Perillustriſ Clariſſime & Admodum Reverende Domine,
**D. M. MARTINE
OSLINSKI,**
S. Th: Dipoor & Profeſſor, Eccleſiæ Coll:
S. ANNÆ Crac: Decane, Scholarum
Novodvorſcianarū & Contubernij
Hierofolimitani Proviſor.

quòd in publicæ felicitatis aurora præradians KOSTOVIVS,
ad Occaſum mortalis vitæ properat;
& qui ad motum, atq; ad nutum Veſtrum
regulariter movebatur,
vi factorum ad umbras rapitur.

Vnde qui nuper delictum, & plauſus materies erat,
nunc luctus & ſqualloſis.

Vos tamen in ſolacium ſubſtituit.

Rectiſſimi ultimarum Tabularum Executores.

Perilluſtriſ Clariſſime & Admodum Reverende Domine,
D. M. FRANCISCE MATERSKI,
S. Th: Baccalauree, Coll: Major, Eccleſiæ
Collegiatæ S. ANNÆ Scholaſtice.

Probata illi fuerat vitæ tuæ integritas,
Animi candor & rectitudo.

Ergo in univerſali Almæ Matris ſinu quieſcere volens
ſingulariter tuum pectus exambit,
ut quem Vivum tibi amiciffimè hærentem tenebas & colebas,
defunctum extatico FRANCISCE Spiritu, in Cælos levares.

Clariſſime ac Excellentiffime Domine,
D. M. MATTHIA ZIETKIEWIC,
Philosophiæ Doct: & Profeſſor, Collega Major
Vocate, Contubernij Jagelloniani Senior.

D

Sorte

Sorte felici,

Te sibi celsisse in comitem Legationis Grodnensis novērat
unde quoq; Mentis suæ Præstitem, imò Successorem fecit.

Te Pyladem,

verus amavit & æstimavit Orestes,
æquali virtute, pari activitate, non dissimili curâ
bono publico allaborantem.

Sortes suas innocentes, Tibi commisit disponendas,
optimè persuasus, non aliter bonum finem sortituras
nisi per manus MATTHIÆ.

Castor ille,

mortalibus umbris involutus cum fuerit :

Tu fervido amore, ardenti pietate

Supremum urgebis Numen,

ut qui Universitati, optavit & optat felicitatis Meridier

ipseq; ex se retinet perennis gloriæ ;

te quoq; cooperante POLLUCE

lucis perpetuæ,

habeat

Ortum.



ti
e,
M
o-
m
o
es
er
ne
a-
ur

10
c.

y-
ti-
c-

卷之六

卷之四

22000,-

3.XII.13



Bibliotheca
P.P. Camaldulensium in Bielany

Depozyt w Bibliotece Jagiellońskiej



02350

